



Inatsisartunut ilaasortaq Aqqaluaq B Egede, Inuit Ataqtigiit
Inatsisartut Allattoqarfiat
/Maani

**Air Greenland A/S pillugu § 37 naapertorlugu apeqqtinut nr. 2019/200-
mut akissutit.**

03-06-2019

Asasara Aqqaluaq B. Egede,

Postboks 1015

3900 Nuuk

Oqarasuaat (+299) 34 50 00

Fax (+299) 32 50 02

E-mail: govsec@nanoq.gl

www.naalakkersuisut.gl

Namminersorlutik Oqartussat Air Greenland A/S-imi piginneqataassutitut aningaasanik piginnittuulernerat pillugu Inatsisartut Suleriaasianni § 37 naapertorlugu Naalakkersuisunut apeqquteqaateqarputit. Apeqqutigisatit uannit akisassanngortinneqarsimapput.

Apeqqutigineqartut ima oqaasertaqarput:

1. Naalakkersuisut erseqqissumik takussutissaateqarpat Air Greenland tamakkiisumik pisiarineqassappat aningaasanik qanoq kinguneqassanersoq / akeqassanersoq?

Namminersorlutik Oqartussat SAS-ip naalagaaffiullu piginneqataassutaannik 461 mio. kr.-nik akiliillutik pisinissaannik Naalakkersuisut inassuteqaataannik Ataatsi-miititaliap akuersinera pillugu Inatsisartut Aningaasaqarnermut Akileraartarner-mullu Ataatsimiititaliaata ullormi 27. Maj 2019-imi Naalakkersuisunut nalunaarutigaa.

Namminersorlutik Oqartussat kisimiillutik piginnittutut immikkut ittumik 461 mio. kr.-nik Air Greenland A/S-imit agguagarsineratigut Namminersorlutik Oqartussat SAS-ip naalagaaffiullu piginneqataassutaannik piginnittuulernerat taakkulu 461 mio. kr.-t SAS-ip danskillu naalagaaffiata Air Greenlandimi piginneqataassutaannik pisinermi akiliutigineqassasut Naalakkersuisut inassuteqaataanni allasimavoq. Matuma kingorna Namminersorlutik Oqartussat Air Greenland A/S-imik kisimik piginnittuulerput.

2. Ilaasut billet-imik pisinermikkut mittarfinnullu akitsuutitigut akit atugassarisaannut sunniuteqassava?

Air Greenland A/S-ip piginnittuinik allanngineq namminermi ingerlatsiviup bilitsinut akigititaanut imaluunniit mittarfimmut akitsuutinik aalajangersaanermut sunniuteqarnaviangilaq.

3. Air Greenland nunatta tamakkiisumik pisiarinqarpat timmisartortitseqatigiiffinnit allanit nunatta iluani aamma nunatsinniit avammut inunnik timmisartuussinikkut unammillerneqarsinnaassava, imaluunniit kisermaassisutaassava?

Air Greenland A/S-ip piginnittuinik allanngineq namminermi timmisartumik angallannermi unammillernerme pissutsinut sunniuteqarnaviangilaq.

4. Timmisartuussinermi kiffartuussinissamik isumaqatigiissutit nutaat aamma aningaasartaat qaffassappat, imaluunniit appassappat?

Air Greenland A/S-ip piginnittuinik allanngineq namminermi angallassinermut tunngatillugu kiffartuussinissamut isumaqatigiissutini nutaani akinik aalajangersaanermut sunniuteqassanngilaq.

5. Air Greenland nunatta tamakkiisumik pisiarippagu suliffeqarfittut A/S-itut ingerlatseqatigiiffinngussava, imaluunniit Nukissiorfiit assigalugit Naalakkersuisut aaqqiiniarpat?

Air Greenland A/S aktiaateqarluni ingerlatseqatigiiffittut ingerlaannarnissaa siunertaavoq.

6. Air Greenland pisiarinqarpat nunatta aningaasaqarneranut, tassa aningaasat tigorianaanaat ulloq 1 maj 2019-imi annertussusaat aamma Air Greenland-ip pisiarereernerani aningaasaleereerluni qanoq allannguuteqassava?

Aallarniutitut apeqqut 1-imut akissutinnut innersuussissaanga.

Apeqqutinut saqqummiunneqartunut allanik oqaaseqaatissaqanngilanga.

Inussiarnersumik inuulluaqqusillunga



Kim Kielsen

INUIT ATAQATIGIIT

Inatsisartuni



28. maj 2019

Inatsisartut Suleriaasianni § 37 imm. 1 naapertorlugu Naalackersuisunut apequt imattoq matumuuna saqqummiuppara.

- 1. Naalackersuisut erseqqissumik takussutissaateqarpat Air Greenland tamakkiisumik pisiarinqassappat aningaasanik qanoq kinguneqassanersoq / akeqassanersoq?**
- 2. Ilaasut billet-imik pisinermikkut mittarfinnullu akitsuutitigut akit atugassarisaannut sunniuteqassava?**
- 3. Air Greenland nunatta tamakkiisumik pisiarinqarpat timmisartortitseqatigiiffinit allanit nunatta iluani aamma nunatsinniit avammut inunnik timmisartuussinikkut unammillerneqarsinnaassava, imaluunniit kisermaassisussaataassava?**
- 4. Timmisartuussinermi kiffartuussinissamik isumaqatigiissutit nutaat aamma aningaasartaat qaffassappat, imaluunniit appassappat?**
- 5. Air Greenland nunatta tamakkiisumik pisiarippagu suliffeqarfittut A/S-itut ingerlatseqatigiiffingussava, imaluunniit Nukissiorfiit assigalugit Naalackersuisut aaqqiiniarpat?**
- 6. Air Greenland pisiarinqarpat nunatta aningaasaqarneranut, tassa aningaasat tigorianaanaat ulloq 1 maj 2019-imi annertussusaat aamma Air Greenland-ip pisiarereernerani aningaasaleereerluni qanoq allannguuteqassava?**

(Inatsisartunut ilaasortaq Aqqaluaq B. Egede, Inuit Ataqatigiit)

Tungavilersuut:

Apeqqutit apeqqutigaakka, isumaqarama Nunatta aningaasaataanut sunniuteqartussammata, aamma paaserusukkakku qanorpiaq Naalackersuisut pisinermi aningaasanik aaqqiiniarnersut.

Kissaatigaara apeqqutit ullut qulit qaangiutsinnagit akineqarnissaat.